



Տ. ԱՎԵՏԻՍ ԱԲԵՂԱ ՄԱՆԴԱԼՅԱՆ

Ն'այիսի 14-ին, կիրակի օրը, Հոգեգալըստյան տոնին, Վեհափառ Հայրապետը Մայր տաճարում կուսակրոն քահանա ձեռնադրեց 1976—1977 ուսումնական տարվա հոգևոր ճեմարանի շրջանավարտ Սորին սարկավագ Մանդալյանին:

Տ. Ավետիս արեղա Մանդալյանը ծնվել է 1954 թվականին Ռումինիայի Մեդիաշ քաղաքում:

Իր նախնական կրթությունը ստացել է Բյաժ քաղաքի նախակրթարանում, այնուհետև՝ նույն քաղաքում ստացել է միջնակարգ կրթություն՝ 1973 թվականին:

1973 թվականին ընդունվել է Մայր Աթոռ Ս. Էջմիածնի հոգևոր ճեմարան և այն ավարտել գերազանց հաջողությամբ 1977 թվականին:

1976 թվականի փետրվարի 1-ին սարկավագ է ձեռնադրվել՝ ձեռամբ Մայր տաճարի լուսարարապետ տ. Հռիփսեմ եպս. Սանթրոյանի:

Հոգևոր ճեմարանն ավարտելիս նրա դիպլոմային աշխատանքի թեման է եղել՝ «Սարգիս վարդապետ Ծնորհային և նրա՝ ս. Հովհաննես առաքյալի երեք թղթերի մեկնությունը» (68 մեքենագիր էջ):

1978 թվականի ապրիլի 13-ին հոգևոր ճեմարանում, Վեհափառ Հայրապետի նախագահությամբ կայացած հանդիսության ժամանակ, տ. Ավետիս արեղան հանդես է եկել իր վերոհիշյալ ավարտաճառի բանավոր պաշտպանությամբ, և այն քննիչ հանձ-



նաժողովի կողմից գնահատվել է «գերազանց»:

Տ. Ավետիս արեղա Մանդալյանը Վեհափառ Հայրապետի բարեհաճ կարգադրությամբ այս ամռանը մեկնելու է Քոթայակ (Հարավային Հնդկաստան)՝ մալաբար եկեղեցու հոգևոր կենտրոն, տեղի հոգևոր ճեմարանում, իր աստվածաբանական ուսումը կատարելագործելու համար:

